



FJELL KOMMUNE



## ORDENSREGLAR FOR FOLDNES SKULE FJELL KOMMUNE

Alle skular skal ha eit ordensreglement. Opplæringslova § 2.9.

### ***Forskrift til Opplæringslova § 3-5***

Ordensreglementet er ei forskrift. Forvaltningslova §2, §37, §38

Reglement R-skriv 07-2005 frå Utdanningsdirektoratet er lagt til grunn.

Skulane kan ha utfyllande reglar. Elevar, føresette, lærarar og skuleleiinga bør delta i utforminga av desse reglane.

1. Alle elevar har rett til eit godt fysisk og psykososialt miljø som fremjar helse, trivsel og læring. Opplæringslova § 9a. 1 og 4
2. Alle elevar har rett til eit mobbefritt miljø der alle har medansvar for at ikkje nokon opplever krenkande og ulovleg åtferd frå andre.
3. Alle elevar har rett til å bli høyrde i saker som vedkjem dei. Opplæringslova §2.9. og 3.7.
4. Alle elevar skal vise omsyn og respekt for andre, bidra til arbeidsro i timane og syne respekt for undervisninga.
5. Alle elevar møter punktleg og førebudd til timane.
6. Elevar skal ikkje ha med eller bruke farleg reiskap på skulen.
7. Det er forbode å ha med eller bruke rusmiddel på skuleområdet. Dette gjeld også arrangement utanom skuletida. Opplæringslova §9.5.
8. Elevar skal ikkje bruke mobiltelefon eller anna privat, elektronisk utstyr i skuletida – dette skal vere avslått og liggje i sekken.

### LOKALE TILLEGG FOR FOLDNES SKULE:

9. Elevane skal til vanleg vere ute i friminutta. Ingen må gå utanom skuleområdet utan at friminuttinspektør eller andre vaksne på skulen har gitt lov.
10. Ingen skal sykle, skate eller liknande på skuleplassen mellom kl.07.30 og 16.30. \*
11. Elevane skal ikkje ete snop på skulen. Det kan gjerast unntak ved særskilte høve eller etter avtale med lærar.

12. Mobiltelefonen ligg framleis i sekken medan eleven er på busstoppet, samt reiser til og frå skulen med bussen.

\*FAU og skule oppmodar om at elevane ventar med å sykle til skulen til dei startar på 5.trinn, dette i tråd med anbefalingar frå Trygg Trafikk.

### SANKSJONAR VED BROTT PÅ ORDENSREGLANE:

- Samtale, munnleg eller skriftleg åtvaring frå lærar/inspektør/rektor
- Melding til dei føresette, møte med dei føresette
- Bortvising i inntil 3 dagar (gjeld ungdomssteget). Elevar på årstrinna 1 – 7 kan visast bort frå undervisninga for enkelttimar eller for resten av dagen. Foreldra til elevar på barnetrinnet skal varslast før det blir sett i verk bortvising for resten av dagen. (Opplæringslova §2.10 – Bortvising, enkeltvedtak med klagerett)
- Gjensitting eller parade
- Skifte av gruppe, klasse, skule
- Nedsett karakter i orden og åtferd
- Inndraging av mobiltelefon eller anna privat, elektronisk utstyr – vert levert tilbake ved slutten av skuletida same dag.
- Skadeverk medfører at eleven må rydde opp /utbetre skaden og dei føresette er
- Erstatningsansvarleg for inntil kr. 5000 (skadeerstatningslova §1.2)
- Inndraging av ulovlege eller farlege gjenstandar og evt. levering av desse til politiet
- Ved lovbrøtt vil rådmannen vurdere å melda saka til politiet (kommunal prosedyre)

### PRESISERINGAR:

#### **Krenkande og ulovleg åtferd er til dømes:**

- fotografering av medelevar og leggje bileta på nettet, negativ omtale på nettside
- negative sms, mms, chat, epost, ryktespreiing
- rasistiske utsegn og handlingar
- seksuell trakassering
- sjikane på grunn av religion, legning eller livssyn
- hærverk
- valdsbruk
- mobbing
- trugsmål

#### **Farleg reiskap er til dømes:**

- gjenstandar som kan brukast til å skade andre t.d. knivar, stikkereiskap, våpen av ulike slag

**Rusmiddel:** nulltoleranse for tobakk og andre rusmiddel

**Dat. 07.03.2007 - Rev. 11.05.10 2010, KDD**